

D. ERASMI ROTT. VTRIVSQUE LIN
GVAE DOCTISSIMI EXPOSTV
LATIO IESV CVM HOMINE
SVAPTE CVLPA PE
REVNTE

Cum mihi sint vni/ bona/que vel frōdea tellus

Vel olimpus ingēs continet

Dicite mortales que vos dementia cepis?

Hec aucupari vt undenis

Malitis: q̄ de proprio deposcere fonte

Adeo benigno et obuio.

Mendacesq; iuuet trepido miserog; tumultu

Vmbrias bonorum persequi.

Pauci me/ qui sum vere largitor & auctor

Felicitatis expetunt.

Forma rapit multos: me nil formosius ulq̄ est:

Formam ardet hanc nemo tamē:

Suspiciunt Ceras antiquaq; stemmata multi:

At me quid est illustrius?

Vt qui sum genitore deo deus ipse profectus

Genitrice natus virine:

Vnde fit vt mecum vix gestiat vnus et alter

Affinitatē iungere:

Maximus ille ego sum cęliq; soliq; mornarcha

Seruīre nobis cur pudet?

Diues idem et facilis dare magna et multa roganti;
Rogari amo: nemo rogat.
Sumq; vocorq; patris summi sapientia: nemo
Me consulit mortalium.
Ipse ego sum etheri splendorq; decusq; parentis:
Me nemo stupet aut suspicit.
Sum firmus iuxta ac iucundus amicus amico:
Me pariter ac meas opes
Candidus atq; lubens charis impartio: nemo hanc
Ambit necessitudinem.
Sum uia qua sola coeli itur ad astra: tamē me
Terit viator infrequens.
Cur tandem ignarum dubitat mihi credere vulgus?
Eterna cū sim veritas.
Pollicitis cur stulte meis diffidere perftas?
Cum sit nihil fidelius.
Auctor ad hec vitę cum sim vnicus ipsaq; vita:
Cur sordeo mortalibus?
Lux ego sum: cur huc vertūt sua lumina paucis?
Dux: cur grauantur insequi?
Viuenti recte certissima regula solus:
Aliunde formas cur petunt?
Ipse ego sum solus vera & sine felle voluptas.
Cum non times offendere?

Quid est q̄ ita fastidiosus?
Vnica pax animi:quin huc deponitis egri
Curas edaces pectoris?
Si benefacta truces etiam meminere leones:
Referuntq; belue vicem.
Respondere feri merito didicere dracones:
Si meminit officij canis.
Si redamant aquilę:redamant delphines amantem.
Cur efferatior feris
Me me non redamas homo? cui semel oia feci:
Quem condidi/quę sanguine
Afferui proprio:proprieq; a morte recepi
Dispendio vitę volens.
Si bos agnoscit dominum:si brutus asellus
Agnoscit altorem suum:
Cur me/solus homo male gratus nosse recusas?
Et conditorem & vindicem.
Vnus ego hic tibi sum cunctorum sūma bonorū:
Quid est quod extra me petas?
Quorsum distraheris per tot dispendia:grassans
Laboriosa inertia:
Sum placabilis:& pronus miserescere:quin hoc
Miser ad asylū cōfugis?
Idem iustus & implacabilis vltor iniqui:

Corpus ego atq; animū nutu sub tartara mitto:
Nostri metus vix vllū habet:
Proinde me: desertor homo secordia si te
Adducet in mortem tua:
Pretextum nihil est: in me ne reijce culpam:
Malorum es ipse auctor tibi.
Nam quid adhuc superest: si te neq; prouocat ardens
Suiq; prodigia charitas:
Obis marmoreū pectus: neq; mitigat unq;
Adeo profusa benignitas:
Si neq; tantarum spes vel certissima rerū
Expergeficit & allicit
Si neq; tartareę cohibet formido: gehennę
Nec vllus admoneat pudor:
Imo si durant magis hęc adduntq; stuporem:
Tam multa tamq; insignia
Vt facile immanesq; feras chalybēq; petramq;
Rigore victo molliant:
Quid faciat pietas q̄b' artibus abstrahat vitro
Deuota morti pectorat
Inuitum seruare: nec est mentis: puto: sanę
Et patria prohibet equitas.

TELOS